



UNIVERSITÄTS-  
BIBLIOTHEK  
PADERBORN

# **Universitätsbibliothek Paderborn**

## **Agenda, Sev Ritvale Osnabrvdense**

**Franz Wilhelm <Osnabrück, Bischof>**

**Coloniæ Agrippinæ**

De Sacellanis, Vicariis, Altaristis, &c.

**urn:nbn:de:hbz:466:1-41233**

postquam dixerit *Versum*, *Divinum auxilium &c. benedicat populum.*

## DE CVRA PASTORALI CIRCA CERTAS PERSONAS.

De Sacellanis, Vicariis, Altaristis, &c.

I. **P**arochi omnes, de sua jurisdictione ac Canonica institutione sive investitura, coram suo quicunque Superiori seu Decano rurali, per legitima instrumenta fidem faciant: ac, ad manus ejusdem, professionem fidei edant, secundum formam, à sacra Tridentina Synodo prescriptam.

II. Provideant etiam ac advigilent, ut nullus Sacerdos, sive Sæcularis, sive Regularis, etiam exemptus, administrationem Sacramentorum, & præcipue Confessionum audiendarum munus, aut prædicationem verbi divini, in Ecclesiis suis publice sibi sumere audeat, nisi doctrina, moribus, & vita probatus fuerit Episcopo aut ejus Vicario, ejusdemque approbationem aut respectivè benedictionem (quæ gratis dabitur) in scriptis obtinuerit; privilegiis contrariis quibuscunque & consuetudine etiam immemoriali non obstantibus.

III. Porro, convenit, ut constitutionem istam Pastores in concionatorum admissione ideo diligenter admodum observent, quod, decreto magni Concilii Lateranensis, omnes, qui prohibiti vel non missi, præter auctoritatem ab Apostolica Sede vel Catholico Episcopo loci susceptam, publice vel privatim prædicationis officium usurpare præsumserint, excommunicationis vinculo innodari, & nisi quantocius resipuerint, alia competenti pœna plecti jubeantur.

IV. Non permittant etiam Pastores ulli vago, ignoto, pere-

G g g g

grino

grino Sacerdoti, sive Secularis sive Regularis sit, in suis Ecclesiis celebrare, aut alios actus sacros exercere, priusquam de ordinatione sua rite adeptus, deque vita, moribus, eruditione, & titulo, fidem fecerit per Ordinarii sui seu respectivè Superiorum suorum litteras, aut publica instrumenta, docueritque, nullo Ecclesiastico impedimento se ab executione Ordinis arceri, & à Nobis, vel Vicario nostro in spiritualibus, licentiam in scriptis obtinuerit.

V. Et, sicut Pastorum est munus, operam dare, ne sacrarum foundationum jura in suis Ecclesiis intercidant, neve erecta à fidelibus Officia Missarum, aliæque fundationes piæ, ministrorum negligentia omittantur, aut etiam sine gravi causa non omnino depereant; ita quoque curabunt ne Altarista seu Vicarii sibi in aliquo derogent vigore statuti Archiepiscopalis Metropolitanici, quo districtè sub pœna excommunicationis injungitur omnibus Altaristis, Capellanis perpetuis, Beneficiatis, intitulatis in Ecclesiis Parochialibus, aut, juxta limites earundem, Plebanis ac Rectoribus Matricis Ecclesiæ, quo ad jura, ipsis tam de jure quam de consuetudine debita, intendant reverenter, si Canonicam effugere velint ultionem.

### De Custodibus seu Campanariis.

I. **C**ustodes nullo modo admittantur, nisi Catholici & probæ vitæ, ac prævia fidei professione; neque assumantur, nisi de consensu Pastoris, & Episcopi, vel ejus Vicarii, approbatione ac examine prævio.

II. Quantum fieri poterit, literati recipiantur, qui ad communiter in templis usitata Presbyteris respondere valeant, & sciant, quæ sui sunt Officii, nec non cantum Gregorianum.

III. Singulis annis Custodes tradant suis Decanis descriptiones suorum proventuum, sub pœna duorum Thalerorum.

IV. Emittant etiam juramentum fidelitatis; ac præsentent,

ante